

Bibel fa Kjinja

brinjt junt

Jesus siene Wunda



Jeschräwen von: Edward Hughes

Jemolt von: Byron Unger un Lazarus

Toom Pauss jestalt von: E. Frischbutter un Sarah S.

Äwasat von: Ed Zacharias

Hääjestalt von: Bible for Children
www.M1914.org

©2011 Bible for Children, Inc.


Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.



Jesus deed vâl Wunda. Een Wunda es een Tieekjen
daut wiest daut Jesus Gott sien Sän es. Daut
ieeschte Wunda passieed opp eene Kjust. See
hauden Trubbel. Doa wia nich jenuach Wien
fa de Lied.



Maria, Jesus siene Mutta säd am daut doa Trubbel
wia, un dan säd de Deena daut see doonen sullen
waut Jesus säd.



"Jeet dise Tonnen voll Wota," säd Jesus. Veleicht haben dee jefroacht auf see rajcht jehieet hauden, oba daut wia Wota.



Dan säd Jesus see
sullen von eene Tonn
schapen, un däm
bowaschten daut to
schmakjen jäwen.
Daut Wota wia nu
Wien! Scheena
Wien! De
basta Wien!




Dee Deena wundaden sikj.
Jesus haud Wien von
daut Wota jemoakt.
Blooss Gott kunn
soont doonen.



Jesus deed uk aundre Wunda. Een
Owent jinkj hee met siene Jinja no
Peeta sien Hus. Peeta siene
Schwiee-Mutta haud
huagen Feeba.



Jesus neem ar bie de Haunt. Fuaz wia see jesunt.
See stunt opp un bedeend Jesus un de Jinja.



Daut scheen soo aus
wan de gaunse Staut
dän Owent bie de
Dää wieren: Doa
kjeemen Kranke,
Blinje, Doowe,
Stomme un Kjräpel.
Soogoa soone met
een schljachten
Jeist kjeemen
no Jesus. Kunn
hee dee aula
halpen?



Jesus, Gott sien Sän kunn halpen. Jesus holp. Aule
dee no am kjeemen worden jeheelt. Menschen dee
sikj met Kjrekjen derch daut Läden jeschlapt
hauken kunnen gonen un ranen.



Un mea kjeemen,
soone waut von
Lepra Krankheit
vekjräpelt
wieren.



Jesus muak an
jesunt un rein.



Mana un Frues
met schljachte
Jeista kjeemen
no Jesus. Hee
bemott de
Jeist wajch
to gonen. Dee
wieren am
jehuarsom, un
ve-enjste un
bedrekjte
Lied worden
ruich un
schaftich.



Ve a Mana wullen äaren Frint no Jesus brinjen, oba
kunnen nich dichtbie komen. Waut sullen see
doonen?



See druagen am oppem Dak
nopp, muaken daut Dak
op, un leeten am rauf,
gauns dichtbie
Jesus.



Jesus sach daut
de vea Frind
Gloowen hauden.
Hee säd to däm
Kranken, "Diene
Sind es die
vejäft. Nemm
dien Bad un go."
De Maun stunt
opp, jesunt un
stoakj. Jesus
haud am jeheelt.






Boolt no daut wia Jesus opp
een Boot met de Jinja.
Een haustja Storm
kjeem opp. Jesus
schleep. Ve-enjst
wuaken de Jinja am
opp, un säden, "Har,
rad ons! Wie komen
hia om!"



"Siet ruich," säd Jesus to de Walen. Fuaz wia daut Wota stell. "Waut von Mensch es hee?" wundaden de Jinja. Soogoa de Wint un daut Mäa jehorcht am. See jleewden daut Jesus Gott sien Sän wia, wiels de Wunda weesen woo harlich hee wia. De Jinja wisten daut nich, oba see wudden noch jratre Wunda



seenen, woo Jesus mank Menschen Gott deend.



Jesus siene Wunda

Eene Jeschicht von en daut Wuat Gottes,
de Bibel

finjt eena en

Matäus 8-9, Markus 1-2, Markus 4, Lukas 4,
Lukas 8, Johanes 2

"Wan dien Wuat openboat woat,
jeft daut Licht." Psalm 119:130



Daut Enj



Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

